

靈巖山人詩集

靈巖山人詩集目錄

第十五卷 古今體詩

閩風集

元默敦牂

元日和少司農裘漫士先生盆梅原韻

萬柳堂

過海淀某氏廢園

松柏庵避暑作

聖駕三次南巡恭紀樂府十章

謹序

春雨

夕陽

春草四首

池上

金尊

草橋

當爐曲

燒香曲

白芍藥二首

簞

和童梧岡無題三首

徐丈培貞松陵垂釣圖

蜀錦曲

擬擣衣曲

蛟蛋瓶歌爲陳絙橋

繩祖

作

奉題座主大司寇秦味經先生秋林講易圖

遠水

疎林

歸鳥

浮雲

鄰笛

村砧

山徑

野航

靈巖山人詩集卷十五目錄

靈巖山人詩集卷十五

鎮洋畢沅秋帆

一字  
蘊蘊

閩風集

元默敦牂

元日和少司農裘漫士先生益梅原韻

斜橫石几近前除  
官閣繁枝照影虛  
衝暖素葩纔半放  
勒寒香意未全舒  
黃瓷斗小春猶淺  
綠綺琴調韻有餘  
如此風光如此夢  
花田幾稜傍吾廬

萬柳堂

岑寂荒園客到稀  
幾株高柳尙依依  
橋傾水自青三尺  
屋老山仍綠一圍  
花墅管弦嗁鳥在  
蘭亭裘屐落霞飛  
我來

憑檻聊延佇慨想當年事總非

過海淀某氏廢園

水複橋迴洞壑深薜蘿漠漠徑沈沈  
虛廊月上見狐拜廢圃花殘聞鬼吟  
何代通侯開邸第此時倦客罷登臨  
轉頭金翠渾如夢霧閣雲窗底處尋

松柏庵避暑作

避暑入招提齋堂萬竹西風隨廊曲  
折樹逐磴高低倦借桃笙臥吟分柿葉題  
暮歸仍緩緩新月在前谿

聖駕三次南巡恭紀樂府十章

謹序

洪惟我

皇上寅奉丕圖繼天立極執神化之道鏡照四方覆載以

內沐膏咏勤罔有遐遺矧吳越密邇畿甸視漢三輔  
爲左馮翊之次獲耀光明最先且久茲以二十七年  
春正月諏吉恭奉

皇太后安輿三幸江浙上以紹

聖祖六巡之鴻規下以愍元元積年之跂慕其江南河湖  
蓄洩機宜暨浙省海塘工程親臨相度罔不洞照

慶賞旣行闔澤覃澍茅檐蔀屋祈祝歡呀聲動天地燦乎  
皇哉誠

帝者之上儀也

臣

謹按隆古有虞氏五載一巡狩夏商因

之周迺以十二年傳曰歲卜其祥祥習則行繫古邛  
隆之世歲習卜征而太史猶復勤求懿德作爲雅頌

雍容揄揚著於奕禩迄今所傳時邁般賚諸篇是也

臣家世南服

六飛載臨與黃髮蒼髯蒙被尤渥近復備員史館以敝詩  
爲職事用敢自忘禱昧作爲樂章雖於鴻烈景炎無  
當萬一竊自附於聵賦矇誦之義以宣

上德而摠下情備掌故於石室金匱焉謹拜手稽首以獻  
帝車南指第一

皇帝法天行建恭奉

聖母省方觀民也

祀在壬月建寅維帝車秉上春指析木天之津帝則之殷  
三巡

詔泰士撰靈辰春蒼蒼開天門迺景旭歆浮雲載俞騎集  
方神建華蓋凌句陳奉

大安肅以溫澍之涘江之滯畢汎道箕箒蔽塵耄者叟童者  
孫暨庶媪其來紛尊載醕俎潔芹薦廣術聆和鑿晞日表  
後

天恩

恒春第二

青陽再閏生物咸遂

皇帝子惠元元之意與其久長也

青陽開動土膏載融積數以閏布濩愈充獲挺捫執茂厥  
維南東日杲杲日雨濛濛桃毓其華牛鳴於宮宛彼青

鳩亦降於桑叶 警我樹藝樹藝斯芘無螟蟥是賊無莠稂  
是叢既昌既阜兆用大豐執執其端曰惟

帝之德時乃功

河海晏第三

皇帝導海觀河指授方畧洪流永奠也

河朝宗歸海若元功漫漫頌聲作昔所治舉菱沈璧槌木  
留舊所俶載今來斯維荆山有橋惟紫石有碣枝岐盱盱  
水所歸提束瀨澹淡之澹淡之惟海涯德所基維彼黃能  
互千萬歲不掘波叶 吉金貞石鐫歲時曰旃蒙作噩維右  
序是宜

農慶第四

鑿輅經行之地載免租賦並緩徵積逋

厚澤有加無已也

農祥星有剡崔錯升我垣六轡今戴之若若行東南東南  
何所有錦繡錯井疆時至賴風雨百物繁以昌夏稱冬有  
糧辰畦而角澤千倉以萬箱倉箱積何庸將以輸我公安  
知

異命下習習如條風條風何溫溫大澤何顏顏方攘汙萬  
類孰克知其端

鳳翽毛第五

皇帝旁求俊又濟濟多士利用寶王也

鳳有翽鳴高岡梧有實生朝陽亦集爰止羽儀用章象我

吉人吉士爲上國光作人豈弟維我

皇芘者樸濟者楛直之紀張以綱以引以翼羅天閭蔽垣  
爲奕奕槐市何將將永禔千百福宏化游無疆

利涉第六

皇帝軫恤民隱榜人舟子均予優給慶利濟也

日吉兮辰良方余

皇兮涉清江樹陰羽兮虞幢輯舟收兮吳淞祛錦纜兮交  
綺窗奏簫籟兮靡微風愔愔靡靡兮沈以溶狎翫靈胥兮  
習御河馮渚禽不驚兮風烏自降

帝用嘉止兮水衡自將叶澤虞騰歡兮聲喁喁臚如波瀾

兮雲景從飛龍秋以利濟兮嘉我南邦

大閱武第七

簡軍寔講武事儀春蒐之典不忘在安也

陳虎旅振龍驤治弗忽安不忘西建業東餘杭陸有師水  
有艍爰鞠之迺廣場舍在角日用剛命熒惑毆機槍豹韞  
旅鶴控營候有望尊我行陣魚麗文鳥章郵樊桐搃搏桑  
往復還何洋洋

帝嘉哉咸有慶頌大酺爛以光胥免胄歌樂康頌於爍維  
我

皇

引年第八

皇帝優禮舊臣誕敷慈愛以逮庶老也

浙之涘江之濱有二老沈與錢扶鳩勃率迓六飛以南

叶

我

皇顧之予霽顏錫正卿昌厥身召上第裕後昆二老拜手  
受命復上言自我

皇帝奉

金根世曼壽今四巡高賢愉愉民氣日以敦老者衣帛幼  
者不夭扎少者得遂生

叶

咸拜手稽首抒厥誠

叶

帝用嘉止推殊恩賚以粟貸以泉浩若海煦若春以集我  
茂祉以康我兆民

乾文耀第九

奎章載錫勲華光被象天文也

日而月星而辰迓晃朗垂穹天下燭大地山嶽川  
宸章象之同煇燐維此南服水澹澹中有山翼以丹宮紺  
宇相洞沿前有

睿藻今復聞下暨都吏文云云如日抱戴光在中叶文章

煥乎莫敢名叶願偕南風布以宣被樂中和垂萬年

曼壽第十

輿情臚祝

聖母萬壽

皇帝祇奉歲歲巡幸也

曼壽符協南極寶婺光春輝灏

天母聖壽斯是則維

聖母慈

皇帝孝德馮馮翼翼莅止南國維南國之氓各各受

皇帝之福叶以介萬祉沐柔色錫難老履壽域歲歲迎

鑿膺戩穀用垂宸史光萬億

春雨

怪底琴絲潤幽霖尙未闌深春孤枕聽一夜小樓寒圍杏  
紅將動階苔綠漸寬關山與原野人事雜悲歡

夕陽

小立春池上斜陽所在幽陰移花外鳴紅上柳梢樓最遠  
數峯見分明極浦流桑榆慎無忽清景儘堪收

春草四首

纔著東風卽返魂由來不死是愁根得時便占行人路托  
足難當貴客門小字無端同女婢不歸休更怨王孫青青  
想見斜陽裏仲蔚貧居沒屐痕

露染蘭皋翠色深翩翩蛺蝶解相尋每祈詩句成佳夢祇  
有春輝戀寸心林下何人鋪碧簾花時也自散黃金離離  
煙色沈沈院多少閒情不易禁

高閣憑闌眺夕暉韶光牽率思紛紛削成綠野應容我占  
斷青山合讓君涼影淒迷初過雨暖香縹緲欲黏雲騷人  
不用傷遲暮鷓鴣子今尙未聞

清明時節落花天一種風情百感牽是處毳文鋪刻刻阿  
誰袍色自年年踏青兼可蘼蕪采拾翠無將葑菲捐手把

瑤芳思所寄不堪遠道正縣縣

池上

偶折池邊花書窗供幽賞俯視水底雲人影在天上

金尊

金尊萼綠春玉椀麒麟脯滿座忽生香客少將花補

草橋

畧約橫小谿徑草花無數萋萋雖有情不是還鄉路卻怪  
宵夢深偏向此間去

當爐曲

紅亭白堦橫塘路酒帘風颭桃開處吳姬十五獨當爐銀  
壺寶盃文犀箸白馬何來美少年黃金作鐙玉爲鞭公然

入座氣氤爽買醉能拚博進錢酒酣竟欲出門去爲指前途日將暮不如今夜宿儂家儂家畱得春風住君看若箇酒壚傍人正紅顏花在樹

燒香曲

鵲尾鑪深埋獸炭閒焚石葉供清玩微煙未動氣先熏漸  
泫泫濛一閣雲慧心悟得畱香法盡掩銅鋪下簾押小雨  
愔愔薄暮時恰當紫燕一雙歸開簾納燕香飛去宛似郎  
行畱不住無慘獨坐畫屏前犀合金匙絕可憐冀郎鑒妾  
真誠意默禱添香作心字碧篆消殘郎不回妾心龍腦兩  
成灰起收宜愛芙蓉匣小玉移燈鋪繡榻早知鴛被覆離  
鸞悔不雞窗陪睡鴨

白芍藥二首

三月輕風著意撩名花逗影欲魂銷珠簾隔斷揚州路猶  
憶簫聲廿四橋

拂面濃香月滿帷琉璃爲葉玉爲規最憐小閣春如夢  
栗梢頭照鬢絲

簞

只緣消暑功聊爾因人熱天生一味涼成就凌雲節

和童梧岡無題三首

雨洗新秋壁月生無慘特地階行旁人只道心情好倚  
遍闌干愛晚晴

冰雪芳姿綴素翻當筵醉解紫金條瑤臺花發多名種不

向人間戀碧桃

芙蓉別館玉爲城  
悵望仙蹤路幾程  
調得龍山鸚鵡舌  
惱人還作斷腸聲

徐丈培貞松陵垂釣圖三首

松陵一抹柳濛濛  
獨坐江頭理釣筒  
芳草綠波人共遠  
垂虹亭畔又秋風

煙波飄渺任投竿  
得失胥忘心自安  
若解漆園仙吏語  
何人不作釣魚看

回首名場計本迂  
未妨蹤跡伴菰蘆  
天隨一棹吳淞後  
多少詩人屬釣徒

蜀錦曲

縑絲長百尺柔香復皎潔濯以錦江水澡以蛾眉雪新翻  
花樣隨時造白地光明動要裏錦機玉手親織成幻出十  
洲與三島仙霞雲氣交氤氳五色相鮮雜禽鳥阿誰巧製  
真玲瓏百金購得同珍寶美人裁爲金縷衣細意熨貼熏  
龍腦搓酥滴粉不教污暑往寒來那常好棄捐篋笥中百  
年誰能保噫吁嗟迴黃轉綠無定期所以墨子悲素絲

擬擣衣曲

涼颼撼疎槐感此秋堂夕月照一庭霜中有美人跡空闌  
捲幽幔殘翠斂微顰薄寒變節序遠道念情人開笥理舊  
衣纖纖把雙杵却下玉階行低頭不聞語徘徊夜將半白  
露霑羅襟庭前一片石月下萬里心榆關去防秋相思隔

婉孌不見寄衣人見衣如見面音響淒以惻獨客暗傷魂  
故衣弗忍浣舊有淚痕存

蛟蛋瓶歌爲陳絙橋繩祖作

陳郎有瓶絕大如缶形非玉非石非空青中豐口平頭足  
銳精芒昱昱疑有怪物陰憑陵鏗然其質堅弗脆彈之隱  
帶青銅聲璽然其色涅弗淄橫斜皺出松紋綾湘簾棊几  
幽絕地瞥見甲雲鱗氣光怪隱現空中生目雖未識幾却  
走主人告予此是蛟蛋瓶是物得之丁丑歲其時中州一  
月雨不停黃河之水半夜立鬼馬踏霧雷車轟百靈秘怪  
噓山吸谷掀巨浪遂使揚橋板沒一綫直走開封城數十  
萬人同日死千村萬落男嘯女哭慘若嵩少峯摧崩忽然

有物類萍實波濤洑洞出沒聲鞦韆毒涎纏裹陰氣洩定  
是靈湫無底之處遺下虬卵頰龍精雉孽亦能致風雨不  
知誰歟獲取不復能飛騰爰命良工破厥殼鑿開窻窻光  
晶瑩塗以玉膏翦金薄枝枝葉葉花瓏玲秋堂雨夜鬼嘯  
夕尙覺虛帷颯颯有物呼噉聚嘯森陰冥我聞其語爲拂  
拭手指尙帶寒雲腥花枝亦可插春酒亦堪盛慎勿吟邊  
戛擊代銅鉢恐驚蒼水使者乘風破浪攝取歸龍廷

奉題座主大司寇秦味經先生秋林講易圖

洪濛一畫拓扁鑄憂患之始爻象設備者讀書不讀易其  
於事變何繇徹我師博古闡六經一經一義俱揅括少研  
三易契真宰儼與羲周面稽說上窮造化下幽元旁及讖

緯恣排抉心精騰躍穿溟滓眼光閃霍射列缺九師迭起  
三極晦力擯僞學使之滅戴憑詰難席定重朱雲討辯角  
屢折數聖心源學微妙觀象觀變了若揭嗣丁家難際屯  
蹇猶抱韋編手弗輟七鬯空傳百里驚趨避奚啻三策揲  
羝羊乍觸勢未遂虎尾雖凶人不啞一朝供奉金華門豹  
變忽占離机隄瀝血成書上彤陛肫懇私情

帝所閱雲雷始交動乎險剛健不陷出自穴大儒讀書善  
貞變端以用晦豎名節畏塗歷蓋履亨塗萬古經常賴不  
蔑平生得力至命書措之大業自一轍西清遇合在文字  
北斗職掌司喉舌超持秋典二十載丹筆秉議詳按讞議  
獄緩死豚魚孚明罰勅法金矢掇

聖朝弼教在祥刑義取文明四象別致君行將佐鼎鉉治  
國豈止作栴燦官燭三條入瑣闥珠網冰衡手量挈南宮  
風月畫不到回首梁溪光景瞥桐川宮庶潑墨奇倪黃小  
幅真清絕九龍之山芙蓉湖茅屋數間山之窟竹林陰靜  
講堂開幾人載酒踏寒雪彷彿焦京來辯難滴露研朱互  
補剗白鹿洞前秋草深三鱸堂後春葩茁惟師躡窟且探  
根指陳窳窳如玉切著躡從來富等身三千餘年誰與埒  
極深研幾殫一心開物成務躋九列否終悟得泰交義所  
以許身如稷契

遠水

高樓羣木杪極目望江湄瓜蔓日云長風波客不知幾鷺

來鳥墮未覺去帆移底事滔滔急朝宗恐後時

疎林

門外足佳樹迎霜葉漸無但教風勢減何惜鳥巢孤瀟灑  
見泉石槎枒當畫圖不妨霜凜冽生意在根株

歸鳥

荒荒日欲西鳥倦翼飛低雲路渺無極煙林每易迷雙投  
前浦去各有一枝棲只恐眠難穩飢雛索哺啼

浮雲

富貴亦如此虛空何挂牽偶因風出岫卻伴日當天甘雨  
會含否清歌或過焉從龍有時去知在十洲邊

鄰笛

月明今若此鄰笛一何哀客館那堪聽春風偏欲來折將  
何處柳落盡隔牆梅此夜鄉關路應知有夢回

村砧

山村霜月夜砧響輒通晨忽觸無衣客遙憐獨杵人聲輕  
知腕弱地僻識家貧因憶深閨裏應同此苦辛

山徑

何年成此徑曲折鑿崖根馬跡未經處莓苔有古痕非通  
花外寺定入竹間村乘興探幽去前山日欲昏

野航

拖竿截綠筠小艇布帆新能濟狂瀾阻何爭要路津載樵  
倉贖葉喚渡谷磨人入夜空灘泊還堪展釣綸

泰州門人陳燮編校

靈巖山人詩集卷十五

靈巖山人詩集目錄

第十六卷 古今體詩

閩風集

昭陽協洽

題曹丈楓亭先生觀海圖

笏山先生新移海澗寓園得句索和因次原韻

短檠歌

贈英夢堂少司農二首

家藏董文敏山水一軸曹竹虛同年見而愛焉

卽題長歌卷圖以贈

紀待御心齋復亭前輩滌硯圖

送延清弟南歸二首

有寄

哭汪庶常叶淵

爲善

送同年胡解元安公

洛南歸

送姜杏村同年之官蜀中十首

春和園紀游詩二十四首

有序

春和園

虹梁

蘿月山房

繹堂

蘭輝堂

小桃源

含碧軒

連雲榭

玉池

和慶堂

環秀亭

澂香亭

小蓬壺

鶴柴

雙壽寺

荻浦

明善堂

涵遠閣

花畦

豐樂莊

雪堂

槐市

水雲榭

西爽村

長至後七日微雪同辛楣學士健堂太守辛齋  
侍御魚門舍人竹虛編修小集藕石詹事齋  
分韻得微字

曉登聽雨樓望雪

歲暮友人饋紅螺炭玉田米二首

靈巖山人詩集卷十六

鎮洋畢沅秋帆

一字纓蘅

閩風集

昭陽協洽

題曹丈楓亭先生觀海圖

我聞四部洲環在香海中人生一隅內如在月半弓況復  
轅駒苦局促縱有壯觀無繇逢楓亭先生江海客胸次萬  
頃涵沖澍中年淮海事游歷秦東門外扶青筇興來欲躡  
羨門迹獨乘氣躋披長風賦心尚笑木華隘絕境欲與盧  
敖通五城三山在何許但見一氣浮青紅虛無指點是征  
路水仙一曲凌飛鴻先生舊隱天都峯蓮花萬仞搖空濛

有時盪空作雲海蒼茫畧與圖中同余家息壤亦在此雙  
溪時夢追臺佟自從騎驢走京邸日與令子相雍容雖有  
良朋數晨夕終如萍葉隨虛空何時歸築一畝宮與翁昕  
夕時過從待看黃海拓胸臆曹溪歛浦流溶溶江山蕩槩  
卜他日更煩善手圖幽蹤

笏山先生新移海澱寓園得句索和因次原韻

幽香不礙碧雲遮新插疎籬整復斜水竹幾分供粉本雲  
山千疊借鄰家薜蘿補屋牽歸夢風雨傷春喚賣花夙願  
未借禽鳥樂掩關且免夢魂譁

先生有三分水  
二分竹小照

短檠歌

短檠一尺便且光自我對之已甘霜風簾月幙雲水鄉蘭

膏煎熬夜未央攜之入座開青箱如金鏡刮目翳障揭來  
珥筆承明地短檠雖在人事異觚稜仙掌玉華明金蓮花  
燭時

願賜寒窗燈火敢相忘汗青頭白平生志嗚呼短檠識此  
意牆角無須憂汝棄

贈英夢堂少司農二首

擅譽詞場數十春年來知遇感

楓宸文章不愧真名士風節居然古大臣閒以著書娛歲  
月老於制事見精神近聞朝罷端居暇萬首歌行脫手新  
格律由來老益工瓣香應自浣花翁江山朋輩消磨盡雲  
海風襟浩蕩同高座每多青眼客盛名不數黑頭公重簾

煖閣春先到燭穗垂垂照酒紅

家藏董文敏山水一軸曹竹虛同年見而愛焉卽

題長歌卷圖以贈

華亭宗伯筆墨工作畫亦與作書同超神入妙兩奇絕能  
事不讓松雪翁此圖昔爲眉公作雲煙掩靄聯九峯遙嵐  
一抹半隱現風鬟霧鬢虛無中傍山人家小村落繞村活  
活鳴寒淙三間板屋嵌絕壁幾株衰柳迎寒風橋危石古  
細路沒竹西不見幽人蹤我得此圖閱三稔錦囊什襲親  
題封得石軒中一展玩臥遊使我心神融開窗恍對碧山  
碧掩關忘却紅塵紅竹虛曹子一見卽叫絕云此真蹟真  
難逢嗚呼真蹟真難逢流傳識別都怱怱余家舊住吳淞

東奉常縑素半灰劫廉州墨妙餘殘叢况復後人鑑賞苦  
不確信耳則聰目則瞽卽如此圖蒼翠雲濛濛下筆工妙  
凌南宗愛之入骨世有幾模黏藻鑿使我心忡忡君昔采  
藥曾入黃山去芒屨踏遍青芙蓉今將看山之眼來看畫  
自然豁然洞鑿畫山真贗之形容卷圖贈君我不惜巧偷  
豪奪俱無庸以詩送畫自我始好事直欲追坡公

紀侍御心齋

復亨

前輩滌硯圖

展圖突兀見硯山風景宛然若雪間若雪溪流流不住正  
是詩人洗硯處此硯隨身三十年雲腴一片秋碧堅踏天  
割得鍊餘石古質膩理光油然先生昔游梁宋邸繁臺身  
價鄒枚比一朝挾策向金門官由翰林改御史上書論事

真慨慷人不負硯硯所喜草奏著書任所須批風抹月坐  
臥俱重爲石君一拂拭如與哲人相步趨英華未泐飛光  
徂磨人磨墨理不殊先生久已我忘吾磨光刮垢還其初  
無有所有有所無但覺語言文字麤心藏此意寫此圖洗  
心洗硯君知乎

送延清弟南歸二首

忍彈別淚濕征衣帆飽西風送客歸柳岸露深蟬漸斷荻  
灘月冷鴈初飛凌雲誰薦相如賦辟穀難紓曼倩飢小草  
自憐心寸寸萋迷何路報春暉

如麻兩脚不會停客裏愁懷雜醉醒秋永候蛩聊破寂夜  
長涼夢最通靈家門聚順真難得河海分攜况屢經難忘

對牀風雨夜十年同守一燈青

有寄

風簾月落悼亡時鶴羽經秋病自支半榻茶煙縈素鬢一  
春夢雨賦靈旗背人南菊香逾淡呼侶征鴻去獨遲銅井  
銅坑梅萬樹花開將爾寄相思

吳汪庶常叶淵為善

玉筍班行數出羣漫勞諸老致殷勤鳳池麗句傳元相狗  
監雄篇薦子雲珠署仙官初拜職金臺福地促修文撫棺  
一慟空餘我畢竟浮名是悞君

泥金消息到南天彈指經旬凶問傳兩地空縈離別恨一  
官拌得死生捐春回寸草難重發月照深闈不再圓旅館

花前聞鬼嘯夢還猶認對牀眠

送同年胡解元安公落南歸

策蹇登古道浩然不可攀  
秋風析津渡落日太行山  
遠客身逾健勞人心最閒  
君看夕陽外有鳥倦飛還

送姜杏村同年之官蜀中十首

街鼓瑟瑟逼四更  
擎燈悵別不勝情  
門前風雪登車去  
萬里西川第一程

危棧千盤一綫懸  
孤城白帝遠於天  
行人那得不淒絕  
涼月滿山嘯杜鵑

輕帆十幅影遲遲  
正好牽舟上峽時  
借問使君何處宿  
春風花落女郎祠

紅嫣紫姹太沈酣楚絮湘萍總不堪流盡三巴瓜蔓水得  
知幾夜到江南

綠竹紅樓對碧岑金閨花月夢中尋下河河水深千尺比  
似郎心深復深

欲別先商後會期嶺雲江樹攬離思巴山山館瀟瀟雨應  
記樓頭聽雨時

小閣圍爐伏火溫心香驗取熱灰存也知無計畱君住且  
復從容盡一尊

璿瑜月冷照寒空後夜思君遠道中料得他年同見面畫  
堂愁聽按玲瓏

風懷如夢夜如年紅豆三生劇可憐今日傷春復傷別消

魂我亦杜樊川

采風異日記循聲如此才華合錦城好贈坡公舊時句亂山深處長官清

春和園紀游詩二十四首

有序

春和園

春和園今太保大學士忠勇公別墅也公喬木世臣  
椒風懿戚圖形冠于紫光助伐垂諸青史鴻庸偉績  
炳耀台垣

帝鑒勸相忠忱爰

賜上園一區在海淀禁苑東偏爲休沐所公變理清暇結  
契林泉嵐影溪光天然佳勝清流灣環石橋飛跨當

戶戟門洞闢翠玉峭立翠壁枝峯蔓壑螭徑盤旋數  
折達於堂廡中懸

賜額曰春和園東軒爲寧靜堂後爲怡情室堂皇池西修  
廊宛僊翠篠紛披中有臺門顏曰一院清聲又西有  
舫齋爲一片雲煙棖霧桷迴帶細岑其下界以虹關  
循右磴上下行至澄懷室室後紅蓮滿沼與堂遙對  
取王子安詩語爲葉嶼花潭右有綰翠亭穹然翼然  
俯鑑空碧捫扉而往仙源之洞壑在也

晉公池館足煙蘿棨戟閒開傍澗阿金碧樓臺臨地迴丹  
青圖畫悅心多山分珠島通雲氣水接銀潢寫月波陶鑄  
百昌饒後樂禽魚翔泳暢天和

虹梁

春和堂東院巖層岫衍青翠深沈施靡而進戶牖倏  
開爲致爽軒軒後隔岸有亭二一日觀魚一日綠煙  
深處清泉白石三面環之漚而東注池上結以游梁  
緣以曲檻新波靈液澹蕩其間譬之雨過長空煙銷  
碧落文虹窈窕斜倚青霄至若錦纜徐牽安歌逕渡  
鶯囀清湘之曲魚游明鏡之中恍如濯魄於冰壺奚  
啻置身於圓嶠

蘿月西偏柳浪東畫廊清望擬長虹舟行九疊屏風裏人  
在同文錦字中紅雨飛香銀鑰啟碧雲流影玉奩空武夷  
幽秀湘波麗委宛溪山訝許同

蘿月山房

蘿月山房西與九曲廊接複道外延層軒內屬鏡涵  
金翠花隱簾櫳轉而東頰廊跨水青藤十數株交陰  
其上暮春花發裏景羅香揄袂拂巾清吟邈倚如行  
紫絲步幃中廊外遙結子亭中供聞思大士水觀月  
照交光相羅如寶絲網四圍纓絡垂珠湧現華嚴法  
界也

廊腰百尺抱溪斜蘿屋遙看綠幔遮放蕊乍翻驚細蝶抽  
梢直上引修蛇月迎夜色窗三面雲羃春陰水一涯稽首  
慈鬢參秘乘金燈長照四時花

釋堂

禮曰射之爲言釋也又曰射者天子制之而諸侯務  
焉公退朝燕處肄武觀德爰卽蘿月山房東相爽塏  
之宜激流植榦構廳事三楹戶敞風雲堂容觴豆列  
二亭於左右曰畱雲曰湧翠中嵌文石繩直砥平是  
爲馳道又東置水雲關與陂前六角亭檐楹相對暇  
日鳴珂飛佩樹羽設正鏘鏘濟濟奏采蘋之節廣豨  
首之章林鳥不驚水花競發君子以嘉會合禮宜哉  
沙隄風定柳煙輕小隊吹笳試晚晴向埽鞞方競響隔  
簾水竹有餘清鹿鳴鼓瑟升歌叶魚麗傳觴旨酒盈宴罷  
長楸聞控騎歸來涼月滿松棚

蘭輝堂

瑤林宿衛第館在寧靜堂之東丹楹藻井顏曰蘭輝  
堂堂後邃闕四楹旁通芝逕爲東出玉池問道室中  
蕙榜蓀壁百草實庭陽葉春青陰條秋綠宿衛聞鐘  
趨直聽箭歸

朝容裔庭階時有職在蘭錡不忘在公之義蓋不僅充幃  
紉佩取效騷人逸韻爾

春輝藹藹播蘭馨轉蕙風光澹碧汀地望佇將分列戟家  
規最喜接趨庭晚辭溫樹紆金佩曉過長楊掣玉鈴肆雅  
投壺清興在修門下直晝長扃

小桃源

西苑昆明湖受香山玉泉之委滙爲巨浸靈源浩渺

直達諸淀茲園適爲經流之所水自綠垣入側注東  
長河河口有赤闌橋方舟而入兩岸無雜樹平流如  
掌人行在綠陰芳草間東有步廊與郵亭水驛相間  
透池而北皆深曲枳籬細露庭宇名靜宜軒青松繞  
門白雲入室遙視耕雲亭岸東阡西陌菱櫂桑車其  
中種作往來令人適然有問津漁父意也又轉而西  
竹木中分石梁旁控達北海之卽景園蓋如出武陵

洞口矣

縮翠亭邊理畫橈正逢春岸雨初消煙生曲港疑無路花  
引雙帆忽過橋翠隴遙連秧數頃紅亭低拂柳千條遊人  
況有山桃影不用漁郎抗手招

含碧軒

分綠窗面瞰六音鐘樓外與存誠室相屬中有露庭  
月井上結翠篷俯暎松篁碧染襟袂窺瑣窗而入則  
有連闔洞房交疏對楸涼堂溫室秋戶春臺雖遠歷  
乎百盤究不踰乎一室于是文以藻玉綴以華璫寫  
張萱仕女之圖書曹植洛神之賦每至風調日暖翠  
靄籠陰雅韻格于靈圖餘思垂於清畫然後步檐外  
陟畫檻迴環別規一院爲含碧軒南有舞榭下矚  
碧池俾點徵含商與山水清音相間洵足以外舒襟  
度內葆冲和也

蓮花刻漏六時移青瑣晨開碧蘚滋檻外竹陰涼墮粉座

中桐影靜交枝琴聲遙送紅蘭榭雅思清含白玉池製得  
瓊屏三十扇關門依舊月如規

連雲榭

分綠窗之西構連雲書屋中隔璇扉外施珠幕藥闌  
數折上扶飛樓樓外爲課花所歷階重臺鋪錦列繡  
碧枝丹蕊繁若無枝當夫春日載陽惠風桂苒錦幃  
乍卷銀燭初升下睇瑤華非煙非霧不必流精之闕  
光碧之堂始珊然有凌雲氣也西有探雲洞與宜  
蘭室相接交窗複檻後蔭竹房顏曰甘節

分綠窗連石洞虛涼雲如水浸衣裾風揉金縷鴛聲淺花  
掩珠簾燕影疎靈境似窺福地勝層樓端合上仙居粉圖

好付徐熙手只恐香多畫不如

玉池

在怡情室後者曰涵遠齋下俯清池澗澄漪簇自含  
碧軒以東至連雲榭畫檐修折深得玉水方流之意  
岸南皆蒼松怪石直西構明軒榜曰紅泉翠壁東瞰  
芝徑長橋如宛虹臥波湛然明瑟岸北皆高柳橫互  
大隄與金碧亭臺互相掩映韓致堯有賸句云疊石  
小松張水部暗山寒雨李將軍可謂妙於形似者矣  
步葉牽花小徑盤紅橋東際水煙寬柳塘風急春衣薄芰  
浦人稀晚釣寒新漲欲流亭影去遙山如隔霧中看迴颺  
拂渚檐端落忽漏斜陽上盡闌

和慶堂

玉池之北岸爲 公主府碧柳交枝朱門雙啟顏曰  
爽氣在襟由列戟而入青松黃石高下亭臺堂供  
賜額曰和慶齋其中瓊枝匝道碧樹周阿佳氣氤氳于藻  
井瑞煙卷靄於文窗頽櫺翠桷如有紉纓卿雲下蔭  
金枝玉葉者齋後凝碧堂爲珊林額駙憩息繙書之  
所迤邐而東出如蘭室

瑤齋四面遶松篁

御墨畱題日月光一室太和占乃利千年餘慶卜其昌人  
歌穠李原仙植天護芳蘭本國香遙憶堂前月華滿簫聲  
縹緲引鸞皇

環秀亭

自芝徑橋舟行逕 公主府折而北篋簞夾岸藤蘿  
裏空結環秀亭達于長約是爲北海子會合長河之  
水膏渟黛蓄沈沈無聲鴻儔雁侶時出沒於蓼汀葭  
渚間明湖秋漲水闊雲多遊者自一輪香至迎鶴樓  
之西岸青徑彎環歷亭凡四曰芙蓉影曰一房山曰  
受薰曰映碧樓高下輔勢林巒岔入向背俯仰勝無  
遁形呂衡州所謂不出戶庭而獲江海之心者于斯  
焉信矣

澄懷室外水縈紆向夕扁舟入畫圖葉葉涼雲開玉抱亭  
亭新月隱金樞樓臺遙接東西崦煙水平分裏外湖指點

虛無清景足況餘寶雁晚招呼

澂香亭

紅泉翠壁之後循廊行與四角亭相接者澂香亭也  
面臨方塘塘南有舫齋折而西曠觀亭外塘之中界  
以修隄緣堤植柳淨淥迴環流注弗竭爰於水次徧  
種荷葉輕霞冠岫初日在川嶙峋乎玉容葳蕤乎瑤  
芳清颺徐引暢襟導涼葛簟湘簾蘭槳桂棹夷猶宕  
漾於其間不減蘇白隄邊荷風送香竹露微滴時也  
汀迴路轉石梁南控又南有亭曰流雲湧月

紅泥亭子接金塘曉入承明此駕航絲柳欲分青翰影細  
蓮低散令公香宛虹隄映弓文檻卷翠畦連亞字牆省識

朝

天花漏早月中清露點衣裳

小蓬壺

宋嚴華谷云蘋有三種大者曰蘋中者曰荇菜小者江東人謂之藻然皆性畏風日愛茲蘊藻翼亭覆之錦櫳翠格命曰小蓬壺岸北卽舫室窗前壽藤數本繆曲倚架如幢聚如蓋張其下多灌莽叢薄綠陰濛濛如幽碇洞壑窺視杳窅無底西有紅板橋漉流注之與小蓬壺相接時或憑闌高詠濯纓清歌羽扇不搖水香微至洵一幅江鄉消夏圖也

蘋葉蘋花冷翠鈿一聲款乃學鳴舷垂楊倚檻作秋色孤

鷺下汀開暝煙北渚晚來晴亦雨西堂閒處日如年水鄉  
風味江南思棖觸遙情到酒邊

鶴柴

由流雲湧月亭西去粉堞百餘步文館平原層閣側  
逕紅亭窳然是爲鶴柴前有方池擘流分渠周遭庭  
宇環池遍蒔秋菊圃花細葉青莎間之每屆金風雲  
斂碧漢光澄月滿一林水落半岸遙望羽衣仙客下  
上其音裊回階城宛在燕文貴塞林小筆中也池中  
有座石盤拗秀出亦如白香山所云若踰若動將翺  
將翔者

四面風簾敞畫楹水天空處好經行月高幽徑花無影霜

落平皋雁有聲秀石淩虛冬更瘦小池含凍夜偏明眼前  
便有西湖夢夢去孤山雪乍晴

雙壽寺

乾隆庚辰歲八月

皇上五旬萬壽明年辛巳十有一月

聖母皇太后七旬萬壽百靈禔祉三辰合慶公卽園之西  
圃闢選佛場敬効人天

釐祝寺前有寶坊與玩鶴亭後廊相對文曰吉祥雲護其  
下百泉會流蓄爲淨水如神瀆如鴛漿隱映香臺靈  
源湧出每聽螺音激水魚梵吟風干佛經聲與池籟  
泠泠共相應和西有紺宇爲養性齋右出不繫舟拏

音至晚香延眺二亭皆雲出於棟水環其室然後由  
櫻屋橋斜趨東岸上有樓二一曰爽豁披襟一曰心  
閒神遠遙望雙壽寺前萍流池上花散空中恍若諸  
天樓閣飄渺慈雲法海中也

琉璃萬頃肅清襟寶界中開湧地金鴿樹遙分晴蓋影龍  
潮清應夜鐘音世尊壽比恒沙數福地源從淨海尋采得  
天花緣

聖節好教盛事鞅珠林

荻浦

海於天地爲物最鉅謂其受納廣博也圍中西海子  
南受雙壽寺前水東受北海子水曠如也奧如也南

有疑翠軒沿緣而上多小石山山無大林木皆短松  
瘦竹西有軒曰浴月有亭曰挹秀右轉而北崇岡俯  
仰最高者爲嵐翠亭橫翠山房次之浩然亭眺吟樓  
又次之屋宇皆樸屬清冷含風下瞰湖波渺瀰淪漣  
千頃一碧至若敲岸側鳥蒼蒼淒淒蒹葭離披天水  
相承或攜笳簫或載琴樽或迎潮自橫或挂帆逕渡  
風水爲鄉船作宅知不必定在江南矣

涼雲如蓋覆汀洲閒向蘆中狎浦鷗石氣青隨孤漱晚水  
心淡載一船秋松聲互聽隄邊路蓼影輕遙水底樓漁艇  
煙波清景在畫圖何必問營邱

明善堂

坐玩鶴亭西望有石門如雉堞東曰歸雲西曰舞雪  
相羊而入前跨飛梁中有曲榭曰浣香艇後爲清吟  
書屋庭列秋槐二株宵炕畫聶外有船隴因命舟師  
理檝至錦香亭白沙如雪清流玉環達於明善堂堂  
做七楹露除霜闕

奎畫熒煌面對玉洲綺島秀若方蓬其上仿涉江詩意徧  
蒔芙蓉昔江湖長翁謂芙蓉爲秋牡丹以其丹外縞  
中花開四照倚闌延望爛如餘霞散綺丹青滿天宋  
楊萬里句云誰知雲水鄉化作錦繡谷移於斯境庶  
幾似之

雁齒溪橋接錦沙笠亭如翼俯輕槎水光入暮初成霧花

氣浮空欲變霞一角簷鈴閒自語半鉤簾日靜無譁華堂  
爲領雙清意不是平泉玩物華

涵遠閣

明善堂後闕重軒遙對知魚榭者曰煙波映月四望  
飛蕤倒水重檐歷雲東接垂虹橋引西海子之水翼  
注參差達於宛轉橋之北岸由花磚門徑而入爲樂  
和室次爲凝禧西爲攬秀軒軒之外畫闌曲檻延綠  
而東上冠傑閣是曰涵遠前瀆深池竟川含綠波上  
靈石磔硠望若神仙窟宅閣內飛廊旁達有平臺復  
逕凌虛御風右臨先月亭亭後曰倚雲樓西矚涵遠  
閣雲櫺霧桷含風有聲爾其秋煙靄林新涼乍引蟾

光宵迴桂華上浮昇東林入西樓容與裴回如在雲  
階月地也

層楹疊榭渺難分玉女窻虛隔紫氛丹地月臨光欲鑿碧  
疏風暖氣如薰鳳笙自向明河按鶴馭時從靜夜聞樓閣  
分明秋色裏人間遙望只重雲

花畦

晚香亭在激霞室之右西出雅園門內有小樓取溫  
岐詩句顏曰水木凝暉外架山豹松門蓋空石道如  
帶上有澄景樓頰壤素壁與雲莊掩映南入皆牡蠣  
牆縈帶薜荔如垣如墉是爲百花鎮鎮中有屋宇肆  
舍無他草木惟植架花盆卉絳綠紫黃大者小者靡

者植者據皋跨澤千態萬狀當夫日落西浦煙生北  
林歸雲屬連倒影薄射倚樓曠望覺杜樊川晚晴一  
賦未足以盡之

雨香雲淡早春天蕙圃西南景色妍野水綠添新雨後好  
花紅到夕陽邊挈雲瘦石呈空翠隔岸遙林洗暮煙更喜  
農歌西畔好桑枝刺眼麥盈肩

豐樂莊

繞百花鎮西南沙邱迤邐小舟澶洞泊岸曰豐樂莊  
平疇沃野容數百弓許豆籬夤緣瓜田錯互襪襪在  
門耒耜挂室其中屋廬凡數十區雞犬桑麻並離然  
在日時當築場九月刈稻雲屯秬香粥白食以菜根

或長鋤負水或短笠燒畚無輸粟之軍倉尠納租之  
縣帖門陰桑柘社祝雞豚真不減農樂圖也公欲知  
稼穡之艱難廣陰陽之調劑常於公退有事西疇宅  
土運田勸耕教稼將以繪幽風之什補無逸之圖逝  
往觀乎意深遠矣

青村路轉百花叢阡陌茅茨極望通自有經綸關畝畝豈  
無人力補天工歸禾合誌雙歧瑞築圃如廣七月風滿眼  
江鄉好風景年年憂國願年豐

雪堂

豐樂莊西偏岸墳如防水窮逕絕南爲清照亭北爲  
虛朗室岸西有門春和別墅在焉門內明竽四照爰

構竹香小齋紙窗木榻一室蕭然時而沙隄初暖晴  
雪未消輒有翠羽飛鳴爭枝上下公春時常自西爽  
村入

朝銀鞍玉節來往其間于時金爵觚棱猶餘粉白丹崖綠  
壑尙璨瑤光往往顧而樂之蓋藉此積素凝華占三  
農瑞應不比灞橋風雪僅益驢背詩情也

香廬何必定編柴物意人情各自諧沾被功宏知德澤虛  
明境杳驗心齋霜禽乍轉風初煖快雪時晴月倍佳無數  
遺蝗應入地豈惟廣廈庇吾儕

槐市

說文市買賣所之也晉書志謂天市垣有公七星侯

一星因知古大臣閒居燕處欲周知民事往往開塵  
列肆俾之懋遷有無以相體察公爰卽竹香齋之西  
置數十廛次舍甲乙西南其戶用使百貨駢集往來  
交通南有雉垣曰邃秀谷與旗亭相間如關津然北  
向有樓曰近香有居曰集賢春橋酒幔夜柵茶檣咸  
集於此至於槐陰雨過柳外人歸青帘受風新月補  
竹人煙叢選燈火散亂惜無張擇端其人者爲畫上  
河圖耳

修廊如翼徑如弓處處槐煙小市通何必樓臺無地起不  
妨景物與人同綺羅香泛荷池月燈火光搖柳界風向夕  
河橋人未散禁鐘遙起粉牆東

水雲榭

自履豐坊西行數百步隔竹鳴聞水聲淙淙如鳴佩  
環入竹取道至石潭上潭清澈鑑底近岸皆卷石屬  
者獨者爲巖爲巖中有魚數千百頭皆五色如遊空  
中日光下澈影布石上或潛深淵或跳清波以泳以  
游極浩渺閒適之致南構水雲榭架空撒極直造雲  
根四圍蘿蔦披薄蒙絡支綴時或亭舉木落巖光晝  
清釣石自溫錦鱗不動髣髴在嚴灘七里間匪但契  
集濠梁始覺會心不遠也

湖光山色儼桐廬不羨臨淵興有餘葦籜一痕秋水闊筠  
簾三面夜燈虛梧陰濃淡宜棲鳳蓮葉東西想戲魚偃荇

雲月ノ言卷一ノ一  
弄萍知極樂江湖散影恐難如

西爽村

水雲榭之前遙見粉額曰天光雲影者爲擷秀山房  
凌波結構面對石壁左有引勝洞嵐氣沈沈俄頃開  
豁轉入翠巖巖內有小軒曰漱玉俯視石根猗猗蒼  
澗如有芝髓乳泉出其間者旁出斷袂復由山房而  
西至雲山徑澗曲泉清通以長杓外爲西爽村秋原  
如畫遙緬鳳城樓閣隱見浮嵐暖翠中公平且趨  
朝每由闕西角門入左掖垣于時紗燈前導湛露未晞御  
柳疎秋宮雅拂曙天街凝望簇仗雍容又復身在五  
雲深處矣

樓閣參差接斗台天光雲影靜裴回名園直並千秋業麗  
句休誇八斗才東閣春風陪杖履西山爽氣映蓬萊絳窻  
弟子紅蓮客親見菖蒲花朵開

長至後七日微雪同辛楣學士健堂太守辛齋侍  
御魚門舍人竹虛編修小集擇石詹事齋分韻

得微字

客子眷長夜嘉會良不違維時朔風斂快茲祥霽霏言登  
君子堂促膝坐四圍明鐙照華席逸興隨觴飛更深寒意  
動漸覺酒力微先生抱奇癖嗜古世所稀示我三友圖生  
香襲人衣勗我歲寒操諄切堪佩韋賤子走京維十載空  
懷歸江頭老梅花覆我舊釣磯荒村曉晚意鄉夢不得希

幸隨諸公後，錯落窺珠璣。同心疏禮節，如馬脫鼻鞮。有酒爲公傾，有年爲世祈。中宵盈尺瑞，優渥滋三畿。遺蝗入地死，宿麥先春肥。斯人盡康樂，膠漆時因依。回看座中客，齒髮各已非。須臾逼殘臘，轉頭又芳菲。相逢莫輕別，所願亦易隨。尊中常滿滿，民物咸熙熙。

曉登聽雨樓望雪

疾颺撼孤夢，寒氣逼莽蒼。布衾鐵不如，僵臥面常仰。漸聞淅瀝聲，稍覺鏗鏘響。是時更漏殘，疑見月朦朧。凌晨聲轉嚴，雪花大於掌。不知高天高，但覺廣庭廣。九州八紘外，乘興欲一往。登樓啟雙扉，心目倏恂怳。天光泯羣動物態收，萬象濕煙青濛濛。倒景白蕩蕩，坐臥涼雲中。透骨發幽賞。

炭堆銅槃春雲破瓷盎小閣圍團圓促席對明燄談笑無  
局促脫畧不韃鞅竟忘氣候肅翻覺肢體爽興盡忽不愜  
頓作故園想此日綺窗前黃梅正疎朗花光映慈顏寂寂  
獨攜杖松火宵自焚椒盤味誰餉際茲歲云暮百憂動撞  
攘迢迢雲樹外思之汗流頰有母不遑將有官不能養男  
兒疚心事安用虛生長轉眼春雪消料理整歸榜潞水挂  
征 南風趁五兩鄉園花離披吳山撐嶂嶙板輿奉慈親  
行樂自此昉苟逐色養願手板拋寧枉萱窗侍溫清重話  
今時景 叶 輞川雪意佳粉本再追倣

歲暮友人饋紅螺炭玉田米二首

門外烏薪載滿車傳聞特送冷官家鷓鷯漫笑頻頻典簾

幙休嫌密密遮從此寒威消酒琰早教煖意到梅花今宵  
手撥松明火與客圍爐細品茶

粒米如珠索向誰新年旅況倍難支正思金杵春香稻瞥  
見花瓷滑雪匙翠釜宵殮欣已給素風謀食媿非宜民間  
一飽知何似珍重開顏下箸時

寶應門人王嵩高編校